

靈寶无量度人上品妙經卷之二十五 五

赤符丹光品

道言昔於絳霄天中丹景清真大玄明土受
元始度人赤符丹光无量上品

元始天尊當說是經周回十過以召十方始

當詣座天真大神赤靈丈人三氣天君丹光
九仙上聖高尊妙行真人無鞅數眾乘空而
來玉緯飛輪羽葆交蔭太霄騰晶八素流光
璇極珠躔煥赫元綱五日五夜三清四境无
量諸天上極大羅下通黃闕各現赤混開劫

飛霄寶符丹霞光散照映八門一國地土山川林木緬平一等無復高下土皆作紋玉凝輝瑩徹無有異色衆真環侍

元始天尊停駕空浮九龍陽燄神金萬變法輪之上說經一遍諸天大聖同時稱善是時

五

一國男女仰聽聖教默悟重玄說經二遍天光內發照朗昏冥說經三遍神氣合混萬景生津說經四遍虛明曠達觀見十方說經五遍赤符丹光現於身中說經六遍生道交會疾癘蠲消說經七遍北鄩暗域報對休停說

經八遍金簡書功玉符定籍三官告命形化
飛仙說經九遍法露珠英潤澤一切說經十
遍十方三界無極幽關无量群生逍遙離苦
是時一國是男是女莫不傾心皆受護度咸
得長生

道言是時元始天尊說經一遍東方無極無
量品寶生大神無鞅之衆浮空而至說經二
遍南方無極無量品洞浮大神無鞅之衆浮
空而至說經三遍西方無極無量品耀明大
神無鞅之衆浮空而至說經四遍北方無極

无量品太一大神无鞅之衆浮空而至說經
五遍東北无極无量品保安大神无鞅之衆
浮空而至說經六遍東南无極无量品持化
大神无鞅之衆浮空而至說經七遍西南无
極无量品玉靈大神无鞅之衆浮空而至說
經八遍西北无極无量品飛霞大神无鞅之
衆浮空而至說經九遍上方无極无量品大
變大神无鞅之衆浮空而至說經十遍下方
无極无量品冲厚大神无鞅之衆浮空而至
十遍周竟十方赤符丹光大神一時同至一

國男女傾心歸仰皆見赤文大字遍滿虛廓
丹光洞照十方同明內見自己身中心通萬
道外與法合即名赤符見察萬殊異體同照
即名丹光內外之道皆是元始外生天地內
化一身皆同此道自非列聖開教不能化成
譬如混沌初造終始九劫若非赤明不能開
圖一身始生毛髮肢節九竅雖具若非神光
外見心光內通一切聖賢不能成就是故我
等咸悟元始所說大法役運神變開導天人
來者有如細雨密霧无鞅之衆迨國一半土

皆偏陷非可禁止於是元始懸一寶珠大如黍米在空玄之中去地五丈元始登引天真大神上聖高尊妙行真人十方無極赤符丹光至真大神無鞅數眾俱入寶珠之中天人仰看惟見勃勃從珠口中入既入珠口不知所在國人廓散地還平正無復畷陷元始即於寶珠之內說經都竟眾真監度以授於我當此之時喜慶難言法事粗悉諸天復位倏歛之間寂無遺響是時天人遇值經法普得濟度全其本年無有中傷傾土歸仰咸行道

心洞見洞識洞妙洞知洞悟洞徹洞照洞微
洞明洞鑒言符至理默契玄機齊同慈愛異
骨成親國安民豐欣樂太平經始出教一國
以道預有至心宗奉禮敬皆得度世

道言元始天尊說經中所言並是諸天上帝

內名隱韻之音亦是真王內諱百靈之隱名
也開示大法造立天地內生人物外成混沌
赤符應合丹光纏綿元氣烹煎真火化鍊以
成三界匠立萬天爾能體之自然得道非世
之常辭上聖已成真人通玄究微能悉其章

誦之十過諸天遙唱萬帝設禮河海靜默山
嶽藏雲絳煙布逸霄光亘玄心符內充丹寶
外應群魔束形鬼精滅爽回屍起死白骨成
人至學之士誦之十過則五帝侍衛三界稽
首紫輝遐映神晶注盈妙開元造神泊其間

魔精喪眼鬼祆滅爽濟度垂死絕而得生所
以爾者學士穢氣未消赤符陰隱丹光內潛
體未洞真以制十方威未制天政德可伏御
地祇束縛魔靈但却死而已不能更生輕誦
此章身則被殃供養尊禮門戶興隆世世昌

熾與善因緣萬災不干神明護門斯經尊妙
獨步玉京度人无量爲萬道之宗巍巍大範
德難可勝

道言凡誦是經十過諸天齊到赤符度生丹
光啓幽億曾萬祖幽魂苦爽皆即受度上升

女五

四

朱宮格皆九年受化更生得爲貴人而好學
至經功滿德就皆得神仙飛升金闕遊宴玉
京也上學之士修誦是經神契赤符道融丹
光皆即受度飛升南宮世人受誦則延壽長
年丹赤之華注澤屍腐骨剛氣真後皆得作

屍解之道魂神暫滅不經地獄即得返形遊行太空此經微妙普度無窮一切天人莫不受慶無量之福生死蒙惠上天所寶不傳下世至士齋金寶效心盟天而傳輕泄漏慢殃及九祖長役鬼官侍經五帝玉童玉女各二十四人營衛神文保護受經者身

道言正月長齋誦詠是經赤符召和丹光運明三元錫契萬象蒙生爲上世亡魂斷地逮役度上南宮七月長齋誦詠是經赤符召陰丹光育精四明奏功五老奉經身得神仙諸

天書名黃錄白簡削死上生十月長齋誦詠
是經赤符召陽丹光用章九宮合氣玉女跪
漿爲國王帝主君臣父子安鎮國祚保天長
存世世不絕常爲人君安鎮其方民稱太平
八節之日誦詠是經赤符周建丹光流行八

三五

五

景合體六司命真得爲九宮真人本命之日
誦詠是經赤符召神丹光繞身魂神澄正萬
氣長存不經苦惱身有光明三界侍衛五帝
司迎萬神朝禮名書上天功滿德就飛昇上

清

道言行道之日皆當香湯沐浴齋戒入室
東向叩齒三十二通上聞三十二天心拜
三十二過閉目靜思身坐青黃白三色雲
氣之中內外蒼冥有青龍白虎朱雀玄武
獅子白鶴羅列左右日月照明洞煥室內

項生圓象光映十方如此分明密呪曰

无上玄元太上道君召出臣身中三五功曹
左右官使者侍香玉童傳言玉女五帝直符
直日香官各三十六人關啓所言今日吉慶
長齋清堂修行至經无量度人願所啓上徹

靈寶无量度人上品妙經

徑御

无上三十二天元始上帝至尊几前畢

引炁三十二過東向誦經

元始无量度人上品妙經

元始洞玄靈寶本章赤符丹光上品妙首明
識度人龍康廣運開化因緣大洞隱章虛舍
至真太无三一流結諸天碧落敷明高峙天
根大經離合萬境分神赤符帝氣丹光上靈

恢張玄範洪歷冥冥六風交煥空象告成玉
文肇啓天道流行是爲元造蒼混飛煙太霄
鬱單玄丘景仙茫茫正化皇極推遷瓊羅騫
仞至妙靈圓三周九復包絡綿綿億天群品
歸真玉垣正行遊梵過度生關中有赤明校

五五

六

錄之神中有玉符攝氣之真中有大丹流焰
之君中有炎光開化丈人中有太一入纏黃
庭鳳紐混合大洞高尊統御玄變清都化身
金篇消魔廣大飛輪三十九帝廓開八門今
日敷教萬真臨軒

東方无極寶生神王長生大聖无量度人
南方无極洞浮神王長生大聖无量度人
西方无極耀明神王長生大聖无量度人
北方无極太一神王長生大聖无量度人
東北无極保安神王長生大聖无量度人
東南无極持化神王長生大聖无量度人
西南无極玉靈神王長生大聖无量度人
西北无極飛霞神王長生大聖无量度人
上方无極大變神王長生大聖无量度人
下方无極冲厚神王長生大聖无量度人

十方赤符丹光神王至真度世飛天大神並
乘三華絳霄流雲鳳輿瓊輦天蓋地輪驂駕
朱光玉角神獸蒼鱗火鬣蛟龍建招真之節
告靈大幡前列玉虛寶仗後從三元化兵洞
神九仙飛空步虛四帥啓塗三師告盟億乘

五

七

萬騎浮空而來傾光回駕監真度生赤符經
天三界同生丹光六飛萬物洪施心知目見
神動意隨天人仰法至化同歸大象流布洞
虛極玄方諸符召超登九天九天上宰元黃
左宮流雲司命保世大神執籙持符同會帝

庭隨所應度天化浮沉普告三界八極雲營
崑崙瑤闕廣野寒扃五方玄嶽四極真公九
元大憲化見玉文疾除故氣清正生根不得
拘留上合仙真赤符丹光時刻飛升北都六
洞普赦幽魂制魔保舉度品朱陵死魂受鍊
仙化成人身身受度劫劫長存隨劫輪轉與
天齊年未度風刀水火之難超凌三界逍遙
上清上清之天天天帝朱明無色之境梵行

東方八天

靜都勤明天

帝妙衡具傍

昌郊九華天

帝卿靈尹登

符應智靈天

帝曉虛妙常

灼變丹神天

帝遘氣圖生

蒼京寶風天

帝化招境形

聖基密照天

帝鑒真定微

運鼎遂移想天

帝縛奔囊孤

高虛赤符患美

帝井虛歷維

南方八天

陽光化生天

帝景中惟寧

九宮明耀天

帝闕淵求方

丹霄注靈天

帝赫凌霄延

曲晨紫真天

帝護斗召仙

太微瑞靈應精天

帝直波夷倫

光慧洞無天

帝剛過擇躬

寂意思玄天

帝保玉令脩

洞玄瓊魔拱雲天

帝飛圓曜隨

西方八天

瑤府定民天

帝按涂知元

寒庭對兵天

帝戒無象虛

司覆關世天

帝慈流升

真功定籍天

帝問初顯非

太上素晨禁網天

帝樞牢勝當

內池誕華優陽天

帝耨達用義

簡微求祖知變天

帝洞仙常師

主錄度仙超化天

帝山英謝方

北方八天

梵樂錄魔天

帝變龍擲旌

垂慈飛真無想天

帝志明淵符

玄明左期靜光天

帝甫昭叢希

五氣交符鍊神天

帝優頻景珠

張育行真天

帝納生辨殊

龍桑命仙天

帝屈空冥神

朱明合氣天

帝極監盟真

靈綱氣總陰天

帝主羅察冥

三十二天三十二帝諸天隱諱諸天隱名天

五五

九

中空洞自然靈章諸天隱韻天中之音天中
之尊天中之神天中大魔天中之靈九奇十
耦和合自成赤符丹光變化上清无量之奧
深不可詳敷落神真普度天人今日欣慶受
度大化開生感變幽關大會神靈請滅三惡

斬絕地根斷胞閉死名列太玄真王監舉無
拘天門東斗執契西斗召仙北斗奏簡南斗
列言中斗坐鎮運轉元關帝魁玉籙洞鑒冥
無天真玄一五斗之符下元化氣太劫丹書
青帝施令白帝禦敵赤帝正憲黑帝建立黃
帝中主變化無極惟符所指陰陽乃宣吉凶
示象善惡相連青天魔王晶晶鬱羅赤天魔
王明耀絳霞白天魔王金真保華黑天魔王
鼓化玄波黃天魔王安鎮崇阿五天大魔萬
神之宗飛行鼓從總領天兵持幢仗節遊觀

靈寶度量上人妙經

太冥自號赫弈諸天齊功上天度人嚴攝北
鄴真王受命普掃不祥三元降詔大憲恢張
飛符攝御清蕩十方定界無邊風火八衝敢
有抗拒糾送鄴宮元真振劔天曜施刑屠戮
邪魅收捕無停千千斬馘萬萬滅形魔無干
試鬼無祆精太陰北都按察鬼營不得怠縱
飛章奏置普告三官正道流行考功定籍書
名紫清玄曜大劫寶曆龍康洪運周流纏結
陰陽一氣交絡開隆上皇飛生玉音廣布十
方丹華升降輪轉剛風眇眇億氣赤混玄宮

上周圓曜下變重淵風動八冥洪極成天赤
符化鍊丹光發煙天上天下輝朗幽冥肇形
虛象廣大無窮鴻濛溟滓豁落舒先太真啓
圖運度自然朱陵敷演徊風上篇碧簡金章
玉籙瑤編保安天地永劫綿綿梵炁彌羅萬
範開張丹光成立三境諸天輪轉崑丘包羅
億千元老下教普度群仙三天三地灌氣三
垣八景玉羅氣入高玄玄中至真丹霄上卿
佩天瓊文校錄稱尊合景飛霞執詠洞經金
華流彩普攝雲營玉章大誥鳳簡龍書徊天

隱道接閱元圖千和萬合自然成真真中有
神東華天君方諸帝一太素千精玄光保命
混洞延生赤符丹籙永鎮玄根上遊清微出
入洞虛巍巍天闕列聖之居下降種民升舉
清都中理太極混合空无十轉回靈萬景同
升仙道貴生无量度人上開八門經天法輪
罪福禁戒宿命因緣普受鍊度死魂生身身
得受生上聞諸天諸天之上各有生門中有
混天開劫之章仙聖靈篇辭參高真

第一混極飛仙赤符之音

太虛元始

生成天地

空極杳冥

肇于一炁

廣大無邊

化生真帝

上居玉京

三界統制

威鈔威靈

不問巨細

周流合變

成此大器

赤書敷落

靈仙交會

五山安鎮

玄嶽高峙

崑丘闔風

黃老爲治

虛皇憫衆生

開演玄妙義

洞章攝魔群

億天蒙大庇

第二玄變真君丹光之章

嚴嚴大有宮

萬靈朝上皇

三氣包太虛

飛霞結元綱

上開廣瓊室

下布流景房

三垣懸帝座

赤文羅五方

內陳玉極真

保此大經常

空生纏地紐

冥冥度龍康

眞王馭天馬

寶闕舒丹光

天運啓玄圖

玉道發嘉祥

元君乘化氣

神變不可量

俯觀三界民

欲海徒茫茫

披誦洞玄篇

超升太福堂

第三赤符丹光眞王歌曰

岩岩金闕

下臨太清

碧霞鬱合

化此金城

巍巍虛象

飛臺玉京

九龍大劫

生育神靈

妙氣交合

變化天根

赤文列聖

丹光上真

三十九帝

與道同生

持握天憲

空洞皇君

校鍊飛天

驂駕龍麟

周遊三界

正道開明

威光下濟

照徹重昏

清蕩北鄴

普救幽魂

萬類逍遙

十方蒙恩

此三界之上飛空之中真王歌音音參洞章
誦之百遍名度南宮誦之千遍真王保迎萬
遍道備飛升太空過度三界位登仙公有聞

靈音魔王敬形救制地祇侍衛送迎拔出地
戶五苦八難七祖升遷永離鬼官魂度朱陵
受鍊更生是謂凡量普度無窮有秘上天文
諸天共所崇泄愆墮地獄禍及七祖翁

道言此二章並是諸天上帝及至靈真王隱

三五

十二

秘之音皆是大梵之言非世上常辭言無韻
麗曲無華宛故謂玄奧難可尋詳上天所寶
秘於神霄玉府中藏經室依科三萬七千年
應運下傳若有三人齋金寶質心依舊格告
盟真王然後而付焉

道言夫赤符道逆丹光內隱則二儀失序五行數睽故天地運度否終日月五星虧盈至聖神人休否末學之夫疾傷凡有此災同氣皆當齋心修齋六時行香十遍轉經福德立降消諸不祥無量之文普度無窮

道言夫末學道淺或仙品未克運應滅度身經太陰臨過之時同學至人爲其行香誦經十過以度屍形如法則赤符照心丹光還形不與物化神凝氣清魂神徑上南宮隨其學功計日而得更生轉輪不感便得神仙

道言夫天地運終星宿錯度日月失輝四時
失度陰陽不調國土有災兵革四興疫毒流
行兆民死傷師友命過良善橫殃皆當修齋
行香誦經夫齋戒誦經功德甚重上消天災
保鎮帝王下禳毒害以度兆民生死受賴其

玄五

十三

福難勝故曰无量普度天人

道言凡有是經能為天地帝主兆民行是功
德有災之日發心修齋燒香誦經十過皆諸
天記名萬神侍衛右別至人克得為聖君金
闕之臣諸天記人功過毫分無失天中真王

亦保舉爾身得道者乃當洞明至言也

諸天中大梵隱語无量音 道君譔

元始靈書赤符丹光玉篇

東方八天

弗黎竟桑 後邇輔璫 庚福冥神

揚騎時房 充枚郁澮 周勤氏梁

越贊傳野 畢容治光 按披曜師

維誓鄞康 靜學原蔽 密都朱堂

參據角首 穹奇僖章 絡昔魔靈

粲秀東疆

南方八天

赤符三氣 火山炎精 照煥潛蟄

幽離浮瓊 定顯妙樞 紀錫幾冥

善旅逸修 豫盈司奔 嶽迭命召

魂林繁騰 無鐸演虛 盤河哲承

綿度令高 慈尤并艱 肆除獻寧

太霞資明

西方八天

碧巖濟佑 浮空景涯 神策飛籙

早馳玄華 奎芒皇依 祿員禹瑤

遵善既邈 閉延投嵬 良茲印宙

玉微化伸 昊素格略 利淵開仁

掌紀緣釋 湊智遠京 抱月綠霞

詠此至音

北方八天

文五

衡圖太始 芒露激虛 句陀支云

桓傲箕無 正鄰投黃 聚沖攸靈

欲蘇踐荒 祥寶觀真 鬼由牢察

玄屍杳丁 沖熙日圍 評霞嶽虔

氣膺逃宏 沼領綿謨 彫梗雲昆

十四

總靜進泉

道言此諸天中大梵隱語无量之音舊文刻
書絳臺瓊華妙靈玉妃丹墀廣闕之上字皆
廣長一丈天真皇人昔書其文以為正音有
知其音能齋而誦之者諸天皆遣赤符丹光
神王下觀其身書其功勤上奏諸天萬神朝
禮地祇侍門大功魔王保舉上真道備克得
遊行三界升入金門此音無所不辟無所不
穰無所不度無所不成天真自然之音也故
誦之致赤符告靈一呼萬應丹光回照百理

千通密授紫書上爲真宰神王下觀上帝遙
唱萬神朝禮三界侍軒杖束首鬼精自亡
琳琅振響十方肅清河海靜默山嶽吞煙萬
靈振伏招集群仙天無氛穢地無祆塵冥慧
洞清大量玄玄也

玄五

十五

元始无量度人上品妙經卷之二十五

